



Sesida dals

11 da favrer 2019

Communitgà ils

13 da favrer 2019

Protocol nr.

80

Dumonda Cavegn

concernent la trasparenza dals salaris per las emploiadas ed ils emploiads
chantunals

Resposta da la regenza

Tar la dumonda 1: Mintga collavuratura e collavuratur dal chantun ha da tut temp la pussaivladad da consultar en il portal online ses rendaquint dal salari. En il rendaquint persunal dal salari vegnan mussads er tut ils supplements. Mintga midada en il rendaquint dal salari chaschuna automaticamain ch'il rendaquint dal salari vegn tramess er per posta a la collavuratura u al collavuratur. Uschia èsi garantì ch'er collavuraturas e collavuratur senza access a l'internet èn infurmads davart lur salari. A las emploiadas ed als emploiads dal chantun na vegn il dretg da s'infurmar davart l'agen salari refusà en nagina maniera.

Tar la dumonda 2: La regenza è pronta da tractar il giavisch e d'incumbensar l'uffizi da persunal d'inditgar sin il rendaquint dal salari las infurmaziuns decisivas per determinar il salari resp. supplementarmain la classa da salari ed il stadi en il svilup individual dal salari entaifer la classa da salari. L'adattaziun dal rendaquint dal salari duai vegnir fatga per il 1. da fanadur 2019.

Il sistem da salarisaziun è in instrument directiv. Per il svilup individual dal salari vegnan resguardads la prestaziun ed il cumportament da la collavuratura u dal collavuratur. I n'exista nagin dretg u nagin automatissem areguard il svilup dal salari fin al maximum d'ina classa da salari. Pervia da prestaziuns divergentas pon perquai resultar differentes salaris.



En num da la Regenza

Il president:

Il chancelier:

Dr. Jon Domenic Parolini

Daniel Spadin